



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Compendium Sacrorvm Ritvvm Et Caeremoniarvm**

**Vinitor, Gerlacus**

**Coloniae Agrippinae, 1656**

XIV. De ordinanda Missa ex supradictis Rubricis.

**urn:nbn:de:hbz:466:1-9459**

Missæ. Et similiter in Missis votiuus nunquam legitur in fine aliud Euangelium, nisi S. Ioannis.

### AN NOTATIONES.

*Gauantus  
comment. in  
Rubr. Miss.  
Part. 1. tit.  
§ 3. sub n. 2.  
lit. 4.*

§. 1. Quando dicuntur duæ missæ altera de festo, & altera de feria, absque vlla vtrorumque commemoratione, legitur Euangelium S. Ioannis in fine vtriusque.

§. 2. Euangelium respondens Officio vel nobiliori loco legendum, vel omnino omittendum. Idcirco in votiuus semper dicitur Euangelium S. Ioannis.

§. 3. Errant contra supradictâ Rubricam, qui in tertia missa Natiuitatis Domini bis recitant Euangelium S. Ioannis in initio, & fine missæ, cum post tertiam illam Missam loco prædicti Euangelij dicendum sit Euangelium. *Cum natus esset Iesus* quod habetur in die Epiphaniæ Domini vt supra annotatum.

§. 4. Si occurrat Vigilia infra Octauam Corporis Christi, quia missæ priuata sunt de Octaua, in his debet dici Euangelium de Vigilia, in fine missæ, quia dictum est Euangelium ad matutinas.

### TITVLVS XIV.

#### *De ordinanda Missa ex supradictis Rubricis.*

I. **S**upradictis Rubricis cognitis si quis velit ordinare Missam diei, recurat ad Ordinarium Missarum de Tempore, vel de Sanctis, secundum qualitatem Officij. Si proprium non habeat, recurat ad Commune Sanctorum. Si de Feria agendum sit, & propria Missa non fuerit de Feria, dicatur Missa præcedentis Dominicæ, omisfis *Gloria in excelsis*, & *Symbolo*: præterquam Tempore Paschali; in quo semper dicitur *Gloria in excelsis*, vt supra, exceptâ Missâ Rogationum: & in Aduentu prætermittitur *Alleluia* post *Graduale*, cum suo Versu. Si dicenda sit Missa votiuus, requi-

requira  
Si plure  
post M  
singulæ  
berur p  
fis, circ  
Præfati  
tur suo  
pore.

Hic a  
no non  
probata  
reicta,  
*decim* A  
gatione  
in calce  
eodem  
Missa de  
certis R  
Ordinis  
Roman  
rum me  
um Cot  
facular  
mano n  
proprij  
les Offi  
Sanctis  
tio Rit  
da effe  
ni Præc  
Congre  
Missa v  
exquir  
& obse  
omnib  
vero n  
cum O  
Coron  
fione r  
adeant

requiratur post Commune Sanctorum suo loco. Si plures Orationes dicendæ sint, requirantur post Missas Votiuas, suo loco de singulis rebus singulæ. Si pro Defunctis dicenda sit Missa, habetur post missas votiuas, cum Collectis diuersis, circa finem missalis Ordo totius missæ, cum Præfationibus, Canone, & alijs dicendis, habetur suo loco, cum proprio missarum de Tempore.

ANNOTATIO.

Hic aduertendum quod Missæ, quæ in Missali Romano non habentur, aut à Sede Apostolica nondum approbatæ, aut à Sacra Rituum Congregatione expressè reiectæ, licitè celebrari non possunt. Vnde Missa de *quindecim Auxiliatoribus*, reiecta est à Sacra Rituum Congregatione die 16. Ianuarij 1617. ita, vt neque retineri possit in calce Missalis, sub pœnis librorum prohibitorum: eodemque modo reiecta est Missa de *Patre aeterno*, & Missa de *S. Gregorio pro viuis & Defunctis*. Similiter Missæ certis Regularibus tantùm concessæ, puta de Sanctis Ordinis eorum, aut alijs quæ non habentur in Missali Romano, non possunt ab alijs dici, nec etiam in ipsorummet Regularium Ecclesijs, ex Decreto Sacræ Rituum Congregationis 19. Nouemb. 1622. neque à Capellanis secularibus proprijs in Ecclesijs Monialium quæ Romano non vtuntur Breuiario. Quo casu Missam quidem proprij Capellani, recitabunt de Sancto, de quo Moniales Officium, sed cum Missali Romano, vt in Proprio de Sanctis, vel de Comuni; quod eadem sacra Congregatio Rituum decreuit die 20. Nouemb. 1628. Vnde si dicenda esset Missa *Sacratissimi Rosarij*, concessa tantùm Ordini Prædicatorum, & alijs prohibita à Sacra Rituum Congregatione die 25. Iulij 1622. & die 8. Aprilis 1628. fiat Missa vt in festo S. Mariæ ad Niuës, vel dicatur Votiuæ ex quinque assignatis pro diuersitate temporum, quod & obseruandum de Missa *Sanctæ Mariæ de Carmelo* non omnibus communis, sed tantùm Carmelitis. Quod si vero nulla sit Missa in Missali Romano, quæ concordet cum Officio Monialium, puta de nomine Iesu, de Spinea Corona & similibus, eo casu Missam de Cruce, vel Passione recitare poterunt; vel certè pro debita licentia adeant sacram eandem Congregationem; Quia illa

Gauantus  
Part. 3. Tit.  
10. n. 16. &  
part. 4. Tit.  
15. n. 22. &  
Tit. 17. n. 9.  
& 14.

quasi

quas cumque Missas sicut etiã Officia ab eadẽ nõ appro-  
bata prohibuit, reiecit omnino, & damnauit respectiue  
& pro prohibitis, reiectis & damnatis haberi voluit.  
*Aprilis 1628.* De hoc Decreto testatur Dominicus Belli  
in Collectan. ad Missam attinentibus n. 40. Romæ im-  
pressis 1630. Sicut & pater ex eiusdem S. Congregatio-  
nis Decreto, Missali Romano auctoritate Urbani Papa  
VIII. recognito præfixo.

## TITULUS XV.

### *De Hora celebrandi Missam.*

1. **M**issa priuata saltem post Matutinum & Laudes quacumque hora ab aurora usque ad meridiem dici potest.
2. Missa autem Conuentualis & solemnis, sequenti ordine dici debet: In Festis Duplicibus, & Semiduplicibus, in Dominicis, & infra Octauas, dicta in choro Hora Tertia. In Festis simplicibus & Ferijs per annum, dicta Sexta In Aduentu, Quadragesima, Quatuor Temporibus, etiam infra Octauam Pentecostes, & Vigilijs quæ ieiunantur, quamuis sint dies solemnes, Missa de Tempore debet cantari post Nonam.
3. Missa autem Defunctorum dici debet post Primam diei: vbi verò dicuntur eorum Vigiliæ manè post Matutinum diei, dictis huiusmodi Vigilijs cum Laudibus, immediatè dici potest Missa pro Defunctis. Sed in die Commemoratio- nis omnium fidelium Defunctorum Missa Conuentualis dicitur post Nonam, quia eodie est principalis. In die etiam Depositionis Defuncti, vel Tertio, Septimo, Trigesimo, aut Anniuersario solemniori, in quo fit concursus populi, poterit similiter dici vltimo loco post Nonam.
4. Excipiuntur ab hoc ordine dicendi Missam Conuentualem, Missæ in Natiuitate Domini, quarum prima dicitur post mediam noctem,

finito

finito Te  
aurora, di  
die post T  
Apostoli  
§. Mi  
ficio, si se  
publica E  
dicantur

§. 1. N  
ridiem M  
autem au  
ma solis i  
uisibili, f  
ma talis  
attendat  
minari se  
probatan  
non ita n  
post tran  
tim ratiõ

§. 2.  
Conc. Tr  
vt declar  
cilij inte

§. 3.  
tardius  
tempus  
sam de f  
era Rit

§. 4.  
Horam,  
Canon  
& post  
pro mil

§. 5.  
est priu  
licet ad  
ius loco e

§. 6.  
ctem pe  
lis mul